


**M. ANTONII
MURETI I.C. ET
CUIUS ROMANI
ORATIO HABITA IN
FUNERE PII 5...**

Marc Antoine Muret



1074. 21

M. ANTONII

MVRETI. I. C. ET
CIVIS. ROMANI

ORATIO

HABITA. IN. FVNERE
PII. V. PONT. MAXIMI.



1074. 21

ROMAE, apud haeredes Antonij
Bladij Impressores Camerales.
M. D. LXXII



HABITA. EST. IN. AEDE D.
PETRI. IN. VATICANO
V. 1D. MAI M.D. LXXII.

Io. Francisci Ferrarii Mutinensis,
cuius Romani
Ad M. Antonium Muretum.

*Pontificē creptum meritis dum laudibus ornas,
Pendentēsq. tuo cernis ab ore Patres;
Eadē opera tibi Marce decus, tibi gloria crescit,
Et nomen toto spargitur orbe tuum.
Nec fuerat quisquam laudari dignior illo,
Nec laudare illum dignior alter erat.*



ICTVRVS exuete
ri consuetudine de Pij
Quincti sanctissimi &
in omni uirtutum gene
re summi Pontificis lau

dibus, in hoc orbis terrarum augustis
simo nobilissimoque confessu, Patres
amplissimi, maximopere commoue
rer ac conturbarer animo, tum ob ui
rium mearum imbecillitatem, tum ob
breuitatem temporis mihi ad me cō
parandum dati: si existimarem aut ul
lam in quoquam uim dicendi meritis
ipsius parem posse reperiri, aut ullam
longitudinem temporis suffecturam
ei, qui tam copiosi ac multiplicis ar
gumenti partes omnes pertractare ac
persequi uellet. Sed cum & omnibus
& uobis praecipue, qui propius illum
cognouistis, notum exploratumq. sit,
ijs illum supra ceteros mortales uir
tutibus floruisse, quarum praestan
tiam, non dicam exaequare dicendo,
sed assequi cogitando difficile atq. ar
duum sit: ipsa me animosiorum atque

A 2 alacrio-

alacriorem facit suscepti muneris difficultas, cogitantem, quod mihi necessario eueniet, ut & multa memora tu dignissima praetermittam, & ea ipsa quae attingam, ieiunius multo atque exilius, quam pro ipsorum dignitate, percurram, idem cuilibet quamlibet exercitato, & omnibus rebus ad dicendum instructo homini euenturum fuisse. Ac quoniam auguratur animus, eum iam in aeternas illas beatorum sedes euectum, & cum Deo coniunctum, quae hoc tempore a nobis dicuntur, quaeque fiunt, audire atque intueri: eundem in hoc munere obeundo modum tenebo, quem tenerem, si ipse mortali adhuc corpore indutus, praesens adesset: ut & eo genere orationis utar, quo ipsum praecipue oblectari solitum nouimus, non pigmentis ac fucis oblito, sed seuerio ac solido: & ea sola in ipso commendem, quae ipse in rebus humanis sola commendanda ducebat. Qui ethnicorum more uixerunt, ethnicorum
more

more laudetur: ego tam sancto tamq.
 Christiano principi nullam laudem
 conuenire arbitror, nisi uere ac pro-
 prie Christianam. Itaque in quibus
 exaggerandis & amplificandis uete-
 res plurimi erant, & a quibus fere hu-
 ius generis orationum principia du-
 cebant, patriae claritatem, quā etiam
 quidam ex illis primam partem felici-
 tatis esse dixerunt, nobilitatem gene-
 ris, opes ac copias, ea nos, etiam si ue-
 re ac copiose id facere possemus, in ta-
 lis tamen uiri laudibus numeranda
 non duceremus. Quanti haec sint,
 declarauit ipse Christus, qui, totius
 orbis dominus, obscurum & ante id
 tempus ignobilem pagum, in quo na-
 scereretur elegit: deus & dei filius, fa-
 ber & fabri filius haberi uoluit: rex
 omnium, in paupere tugurio natus,
 non habuit ubi reclinaret caput. Im-
 mo uero ij demum gloriosi mihi prae-
 ter ceteros atque illustres uidentur,
 etiam si haec humanarum rationum
 momentis expendere libeat, qui deo

Matt.
 13.
 Marc.
 16.
 Matt.
 8.
 Luc.

tantum freti, ea quae inter homines
summa habentur, sine ullis eiusmodi
praesidijs, sua sibi uirtute pepererunt.
Pulchrum est enim ita abundare, ut
nemini quidquam debeas; ita illustra
re alios, ut nihil ipse splendoris ac cla
ritatis ab alijs mutuatus esse dicaris.
Sed his omisis, quae semper sapien
tissimus quisq. contempsit, iam quasi
thesaurum quendam rerum pulcher
rimarum ac pretiosissimarum ape
riens, spectandumq. proponens, euolu
am & explicabo uera illa & diuina
bona, quae semper illum bonis amabi
lem, improbis formidabilem, utrisq.
admirabilem reddiderunt. Qui sta
tim ab ipso ineuntis aetatis principio,
cum, & diuino lumine collustratus, &
domestica, ut credibile est, institutio
ne commonefactus, ijs qui in saeculo
uiuerent, difficilem esse in caelum uia
iudicasset, impulsu spiritus sancti, fu
git e patria inferiori ac terrestri, ut
Abraham: iterq; illud arripuit, quod
ad illam superiorem ac caelestem ten
denti

41
denti tutius atque expeditius esse in-
telligebat. Fugit ut Loth; neq. post Ge.19
tergum respexit; cum sciret eos, qui,
manu ad aratrum apposita respiciunt Luc.9.
retro, aptos non esse ad regnum dei.
Fugit ut Iacob. & in ea demum terra Ge.20
cōquieuit, in qua uidit scālas per quas
itur in caelum. Dedit enim nomen in
laudatissimam illam D. Dominici so-
dalitatem, in qua, ut primum institu-
ta est, tamquam in opimo ac fertili
agro, eodemq. bene ac diligenter sub-
acto & exculto, uiri & doctrinae ma-
gnitudine, & uitae sanctitate prae-
stantes numquam alij alijs succresce-
re, alij ex alijs continenter propaga-
ri ac profeminari desierunt. In ea ita
uixit, ut iuuenis senibus, tiro uetera-
nis, nouitius exercitatis, tamquam
exemplum continentiae, tolerantiae,
frugalitatis, obedientiae, omnis de-
nique uirtutis proponeretur. Neq. ue-
ro coepit quidem ita uiuere, sed in eo
non perstitit: neque perstitit qui-
dem, sed non longius progressus est,

A 4 neque

neque progressus quidem est, sed in
medio cursu defatigatus. immo uero
totum uitae spatium ita transigit, ut
cum iam pridem ad summam uirtutis
perfectionem peruenisse iudicaretur,
ipse tamen quotidie seipso melior ac
perfectior cerneretur. Cum autē alia
in hoc uiro admirabilia fuerunt, tum
singulare studium cōseruandae uerae
ac catholicae religionis, & aduersus
eos qui illam ulla ex parte labefactare
conarentur, implacabile odium sem-
per eluxit. Quibus cum ille perpetuū
bellum gerens, ne punctum quidem
temporis in uita ab eis uexandis &
exagitandis conquieuit. In alijs erra-
tis condonandis atque ignoscendis,
quamquam & sui & aliorum seuerissi-
mus censor, non ita se durum atque
inexorabilem praebebat: qui ab eccle-
sia desciiuissent, nisi aut ipsos errori-
bus, aut ipsis orbem purgaret, uitam
sibi acerbam atque insuauem esse du-
cebat. Exedebat animum ipsius zelus
ecclesiae: neque quisquam unquam
veriu

uerius idem, quod olim Dauid, dice-
re potuit. Non ne qui oderunt te do-
mine oderam, & super inimicos tuos
tabescebam? Perfecto odio oderam
illos. Ergo cum ei munus in eos inqui-
rendi publice mandatum esset, quas
ille potentū inimicitias, quas minas,
quae pericula, quas uitae ac capitis di-
micationes sibi, dum illos modis om-
nibus persequitur, defugiendas puta-
uit? quas non potius ultro ac cupide
appetit? quam saepe ab illis petitus,
a deo mirabiliter seruatus est? ut de
eo dici possit, quod alicubi ait Cy-
prius, non animum martyrio, sed
martyrium animo defuisse. Ob haec
tanta ac tam praeclara in Christianā
remp. merita primum creatus episco-
pus Nepesinus, deinde a Paulo IIII.
in uestrum Patres amplissimi colle-
gium adscitus atq; aggregatus, quan-
ta cum dignitate dignitatem illam su-
stinuerit, quid opus est, praesertim
apud uos agentem, pluribus uerbis
exponere? Quantum ei prudentiae
& acu-

81 39
& acuminis ad uidenda ea quae uera
& recta essent, quantum animi & li-
bertatis ad eadem proferenda, quan-
tum auctoritatis ad obtinenda sem-
per fuit? Nihil unquam ille in dicen-
da sententia aut metui aut gratiae de-
dit: numquam ad cuiusquam uolunta-
tem orationem suam accommodauit:
numquam quidquam ueritate prius
aut antiquius habuit. Itaque uulgo
etiam dicebant, nihil ab eo precibus
peti oportere; preces enim apud eum
neque ad iusta impetranda necessa-
rias esse, neque ad iniusta extorquen-
da efficaces. Quod si quidam ex uete-
ribus Romanis eo nomine felix habi-
tus est, quod ab eo nemo ullam rem
improbam petere auderet; quid hunc
dicemus, quem omnes qui quid peti-
turi erant, in quo uel minimum tur-
pitudinis inesset, tanquam scopulum
quendam refugiebant? Vt autem di-
uino consilio, uestris suffragiis, in
Pij quarti locum suffectus est, tanta
subito extitit bonorū alacritas & exul-
tatio

6
tatio, tanta improborum fuga & trepidatio, ut neque illi quidquam sibi optatius potuisse contingere, neque hi uspiam se iam tuto posse consistere arbitrarentur. Cernere erat bonos hilares & erectos, tristes improbos & abiectos, illos gaudio triumphantes, hos de consciscendo sibi uoluntario exilio consilia inter se communicantes: illi gratulatum ad templa conuolabant, hi aspectum hominū lucemque uitabant. Illos sublatos in caelum, hos amandatos infra terram putares. Neque uero multis edictis aut programmatis opus fuit ad pestes quasdam hominum ex urbe pellendas. Ut sol exoriens nebulas disijcit, ut uentus aream purgat, ita nomen ipsum noui pontificis dissipauit improbos, & urbem taetra illa impurorum hominum colluione purgauit. Iam in ipso pontificatu qualis fuerit, si quis subtilius requirere instituat, ita reperiet, multis saeculis nullum pontificem fuisse qui ad ueteres illos Siluestrum, Gregorium

rium, Leonem, eiusdemque generis
alios uiuendi ratione & consuetudine
propius accesserit. Primum enim, si
priuata & domestica spectemus, ean-
dem in uictu cultuque parsimoniam
retinuit, quibus a principio se, cum ad
huc in monasterio esset, assuefecerat.
Eadem ieiunia erant, eadem preces,
eadem statis anni temporibus a certis
ciborum generibus abstinentia, ea-
dem interioris uestitus asperitas; ne-
que quisquam unquam intemperans
tanto studio uoluptates corporis con-
sectatus est, quanto ille eas perpetuo
repudiauit. Immo uero quarum eccle-
siae constitutionum propter senectutem
aut propter imbecillitatem cor-
poris gratia plerunque petentibus fie-
ri solet, ijs ut ipse se solueret, quam-
quam & affecta aetate, & corpore ad-
modum imbecillo, numquam tamen
adduci potuit. Quotidie fere sacrificaba-
t; si id non poterat, omnino tamen
sacro sancto missae sacrificio intere-
rat. Numquam ex eius ore uerbum
vnum

vnum prodiit, quod nō aut ad dei lau-
dem, aut ad eorum qui aderant emen-
dationem pertineret. Sic quanquam
adhuc in terra positus, uersabatur in
caelo, & cum hic nobiscum uiueret,
iam tamen ciuis erat sanctorum & do-
mesticus dei. Tota quoque eius fami-
lia ad exemplum domini composita
erat; cumque multis in locis familia-
res principum sumptuoso uestis gene-
re, arrogantia & contemptu cetero-
rum, licentia & dicendi & faciendi
quicquid collibuit, distingui ab alijs
soleant, hic suos ita instituerat, ut nul-
la re magis quā modestia singulari,
& praecipua quadam sanctimonia ui-
tae à uulgaribus discernerentur. At-
que haec priuatim publice autē quot
quantaq. beneficia & in hanc urbem,
& in totam Christianam remp. con-
tulit? Reuocauit ueterem ecclesiasti-
cam disciplinam: quae ita iam obso-
leuerat, uix ut eius imaginem in uete-
rum scriptis agnosceremus. Iudicio-
rum seueritatem, quam iam improbi-
simus

7
ad Phi
lip. 1.
ad E
ph. 2.

simus quisque aut eludere aut perire
pere solebat, renouauit: cumq̃ acriori
bus remediis egere hoc saeculum
iudicaret, propolis etiam acerbiori-
bus suppliciis, hominum libidinem au-
daciãq̃ frenauit. In quo, si qui sunt,
qui eum ut nimis seuerum ac rigidũ
culpã audeant, & ut molles aegro-
ti de medicamentorum amaritie con-
querantur, facere id nõ possunt, quin
eadem opera de sua nequitia & leui-
tate fateantur. Nam si aduersus extra-
neos tantum seueritatem adhibuit, in
se autem & in suos remissus, atque in-
dulgens fuit, tum sane hos reprehen-
sores audiamus: sin & domi & foris,
& in suos & in alienos sui se similem
praebuit, neque quemquam usque eo-
rum habuit, ut ad eius peccata cõni-
uendũ duxerit; fateamur, id quod res
est, seueritatẽ illam ab eximio quodã
iustitiae studio profectã his tempori-
bus necessariam ac salutarem fuisse.
Iam eum & ab omni auaritia ac sordi-
bus longissime afuisse, & liberalitate
ac

ac magnificentia excelluisse, & res ipsa loquitur, & ij quoque, qui propter eas quas dixi causas parum eius gloriae fauent, confitentur. Cui rei argumento est & innumerabilium priuatorum inopia subleuata, & infinita illa uis pecuniarum, qua omnibus prope orbis Christiani partibus aliqua difficultate pressis ac laborantibus sine vlla cunctatione subuenit. Illud uero immortale & omniū gentium omniumque saeculorum praedicatione celebrandum beneficium, quo uniuersam Christianam remp. affecit, inita & constituta cum Philippo rege uere catholico, & cum Venetis belli aduersus Turcas gerendi societate, quis unquam satis pro dignitate laudauerit? Quam in societatem ut ceteros quoque principes Christianos perduceret, cum alia multa molitus est. tum anno superiori, periculosissimo tempore, maximis caloribus, eum quem semper meritissimo unice dilexit, sororis suae nepotem, Michaellem Cardinalem

dinalem Alexandrinum, sibi sanguinis
quidem coniunctione proximum, sed
uirtutis imitatione propiorem, in cu
ius aspectu ac colloquio acquiescebat,
cum quo cogitationes ac consilia sua
communicabat, in quo maximum po
steritati suae praesidium collocarat,
eum igitur legatum in Hispaniam, in
Lusitaniam, in Galliã misit: neq. eius
quẽ tantopere amabat, uitam in aper
tum discrimen exponere ueritus est,
dum ne quid intetatum relinqueret,
quod ad Christi gloriam & ad Chri
stianorũ utilitatem pertineret. Haec
ego cum laudo, Patres amplissimi, uos
laudo. Magna enim uestra laus est,
aliorum quidem, quod ex corpore ue
stro talem principem elegistis: aliorũ
uero, quod uos talis princeps in am
plissimum ordinem adlegit. Singula
res principis nostri uirtutes Deus Op
timus Max. singulari felicitate cumula
uit, datis ei de duplici genere hostium
duabus maximis pulcherrimisq. uicto
rijs, altera terrestri de ijs qui in Gallia
& a

8
& a Christo & a rege defecerant, altera
nauali, cuius recens adhuc memoria est,
de sempiterno Christiani nominis hoste,
Turcarum tyranno. Sed & haec & alia
plurima, quae sciens prudensque, ne
longior sim, praetereo, historiarum
scriptores monumentis suis commendabunt
aeternitati; mihi autem breuiter de
ipsius exitu ac migratione ex hac uita
dicendum est; ut intelligant omnes, vitam
ita laudabiliter actam non minus laudabili
fine esse conclusam. Duo sunt, quae, cum
ad extremum vitae ventum est, etiam
spectatae virtutis viros de gradu de
ijcere interdum solent, doloris acerbitas,
& mortis metus. Et sunt tamen qui
quamdiu a se mortis periculum abesse
confidunt, dolorem satis forti animo
ferunt. Sunt etiam, qui, dum ne graui
& diuturno dolore crucientur, imminen-
tem mortis necessitatem satis aequo
animo expectant. Qui autem utrumque
praestet, ut neque doloris acerbitate
ac diuturnitate frangatur, neque aduen-
tantis atque immi-
B nentis

nentis mortis metu terreatur, ei pe-
ctus incredibili quadam fortitudine
armatum esse ac munitū necesse est.
Quae laus si cui unquam merito tribu-
ta est, huic certe omnium confessione
tribuenda est. Qui cum quadraginta
totos dies tantam vim doloris perpes-
sus sit, quāta maxima cadere in homi-
nem potest, nunquam tamen ullam
uocem parum se dignam emisit; sed il-
lud in ore frequentissime habuit, Do-
mine adde sane ad dolorem, dum ad-
das & ad patientiam. Mortem autem
sibi ab ipso morbi principio certam
atque exploratam ita non exhorruit,
ut de ea sine vlla prorsus aut vultus,
aut animi perturbatione loqueretur:
planeq. ostenderet eam a se, ut Diuus
Paulus ait, in lucro poni. Ac ne cui du-
bium sit, praesciuisse eum, sibi ex illo
morbo moriendum fore, duas apertas
atque illustres eius rei significationes
dedit. Vnam, quod Cardinalem Ale-
xandrinum pridie parasceues, hoc est
vicesimo nono ante ipsius obitū die,
sacrosanctam Eucharistiam sibi porri-
gent em,

gentem, & usitata uerborum formula
 utentem, iussit insistere, & ita uerba
 concipere ut in ijs tantum fit, qui san-
 ctissimum illud sacramentum pro uia-
 tico accipiunt, ut paulo post ad aliam
 vitam commigraturi. Alteram quod-
 cum, ob quandā morbi leuationem,
 depulsum ab eo esse mortis periculū,
 constans opinio esset, septem illa prae-
 cipua urbis templa inuiscere uoluit,
 eiusque itineris, quamquam uiribus
 morbi grauitate & longinquitate de-
 iectis, magnam partem pedibus con-
 fecit, aperte profitens, velle se eorū
 reliquias postremum videre, quos se,
 non multo post uisurum esse speraret
 in caelo. Mortem autem illius & prae-
 cesserunt multa prodigia, terrae fre-
 mitus, terraemotus, fluminum inun-
 dationes, crebri fulminum iactus, &
 secuta est tanta populi consternatio,
 ut eius desiderium uix longo tempo-
 re mitigari posse uideatur. Sed nos
 quidem alienissimo reipub. tempore,
 optimo & praestantissimo principe or-
 bati sumus: ille autē, ut confidimus,
 e tenebris

e tenebris ac vinculis corporis in lucem libertatemq. perductus, promissam pijs omnibus possidet hereditatem; ita ut mors ipsius, si sortem nostram respicimus, luctu & lamentationibus, sin ipsum, cultu & gratulationibus prosequenda sit. Vos uero, Patres amplissimi, quos iam unos maestati tanti gubernatoris obitu intuetur ecclesia, quorum ex auctoritate ac suffragiis, secundum deum, tranquillitas temporum & salus reipub. pendet, consulite quamprimū rebus afflictis, & ex uestro nobilissimo corpore ac collegio aliquem eiusmodi ecclesiae rectorem deligite, qui & sedare possit maerorem ex huius morte conceptum, & uoluntate, prudentia, usu rerum, auctoritate, aptissimus sit ad perficienda pulcherrima ac praestantissima opera, quae praepropera huius morte imperfecta atque inchoata manserunt.

PIVS V. PONT. MAX. OBIIT
KAL. MAL. M. D. LXXII

Z 1074. 21

8 958087

1074. 21

1074. 21



ML

